



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj:01/5-02-633-3/25
Sarajevo, 17. 3. 2025. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 18-03-2025			
Org. jed.	Broj	Priloga	Vrijednost

Komisija za sigurnost Predstavničkog doma Parlamenta Federacije Bosne i Hercegovine (u daljnjem tekstu: Komisija) održala je 3. vanrednu sjednicu u ponedjeljak, 17. 3. 2025. godine, kojoj je prisustvovao šest (6) članova Komisije, tako da su ispunjeni uslovi za punovažan rad u pogledu kvoruma i odlučivanja. Prema jednoglasno utvrđenom dnevnom redu, Komisija je razmatrala:

1. Usvajanje zapisnika sa 1. i 2. vanredne sjednice,
2. Aktuelna sigurnosna situacija u Federaciji Bosne i Hercegovine,
3. Tekuća pitanja.

Na osnovu člana 44. stav 2., a u vezi sa članom 61. Poslovnika Predstavničkog doma Parlamenta Federacije BiH, Komisija podnosi sljedeći:

IZVJEŠTAJ

Ad-1 Usvajanje zapisnika sa 1. i 2. vanredne sjednice Komisije

Zapisnik sa 1. i 2. vanredne sjednice Komisije jednoglasno je usvojen.

Ad-2 Aktuelna sigurnosna situacija u Federaciji Bosne i Hercegovine

Nakon usmenog izlaganja Rame Isaka, federalnog ministra unutrašnjih poslova, Vahidina Munjića, direktora Federalne uprave policije, kao i saradnika o aktuelnoj sigurnosnoj situaciji u Federaciji Bosne i Hercegovine, koja je i inicirala sazivanje 3. vanredne sjednice te sveobuhvatne diskusije svih prisutnih članova, Komisija daje punu podršku pravosudnim organima države BiH u njihovom nastojanju da očuvaju postojeći pravni poredak kao i da kazne one koji pokušaju da uruše taj poredak.

Također, Komisija podržava aktivnosti policijskih agencija koje su usmjerene na planiranje i privođenje osoba za kojima su raspisane potrage te čija su djela usmjerena na rušenje ustavno-pravnog poretka Bosne i Hercegovine. Na osnovu izloženog konstatovano je da je sigurnosna situacija dobra i da je uvezanost FMUP-a kao i FUP-a s kantonalnim ministarstvima unutrašnjih poslova na dobrom nivou.

Komisija je jednoglasno donijela sljedeće zaključke:



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

1. Komisija traži od Federalnog ministarstva unutrašnjih poslova da dostave Nacrt zakona o izmjeni i dopuni Zakona o policijskim službenicima Federacije Bosne i Hercegovine.
2. Komisija podržava činjenicu da je budžet Federalnog ministarstva unutrašnjih poslova povećan i inzistira da se kroz rebalans budžeta izdvoje dodatna sredstva te nastavi s kadrovskim jačanjem, osposobljavanjem i kontinuiranim popunjavanjem upražnjenih radnih mjesta u Federalnoj upravi policije.

Ad-3 Tekuća pitanja

Po ovoj tački dnevnog reda nije bilo rasprave.

U skladu sa članom 53. Poslovnika Predstavničkog doma za izvjestioca je određen Dragan Mioković, predsjednik Komisije.

PREDSJEDNIK KOMISIJE
Dragan Mioković, s.r.